

## 儀微劉孟?年譜跋

著者	小澤 文四郎
雑誌名	漢文學會々報
巻	9
ページ	75-76
発行年	1939-03-25
URL	<a href="http://doi.org/10.15068/00146915">http://doi.org/10.15068/00146915</a>

行。乃試編先生年譜。然而編年譜之事。似易實難。其難在搜集資料之難期完璧。聞先生畢生大著。春秋左傳舊注疏證八十卷存于滬。而今不可寓目。其讀書隨筆二十卷。不知存亡。尤爲憾也。又若夢陔堂詩集黃春谷。念樓集劉楚楨。菴庵集梅蘊生。舍是集王旬生等。所載之唱和應酬詩。關於先生事迹雖多。然先生所撰。青溪舊屋詩集僅一卷。概不能確核其年月。其他若先生與校之四書說苑孫彥之。秋槎雜記劉勉九等。多難推定其年代。而先生所注南北史。燬于兵燹。今不可以知其體裁矣。知其難而爲之者。亦嗜向所在。不能自己耳。江安傅沅叔先生。暨鹽城孫蜀丞先生。憐余不敏。出示祕笈。拳拳提撕。始得脫稿。乃遂錄清本。質之通人。余意所存。謬承許可。乃不自揣度。授工付印。惟博雅君子。教正是幸。昭和十三年戊寅七月。後學日本上野小澤文四郎。謹識于北京朗日廬。

山田濟濟曰。年譜之撰。似易實難。真知言也。作者敢爲其難。何等篤好。藝林永拜其賜矣。

止野曰。澤君遊支踰年。學有造詣。新得日多。目耕之餘。今又有此著。以治經校史之人。傳治經校史之人。商榷必有益世者。予將刮目待其成。

### 儀徵劉孟瞻年譜跋

稿既成。有客。詰余曰。國人編先賢年譜者。頗衆矣。咸摘記詩文梗概。約舉其言行。有功於學甚鉅也。今子編孟瞻先生年譜。全引詩文。繁煩冗漫。抑何陋哉。余曰。子言洵然。但余以爲編年譜之事。須實事求是。不可廁私意。且古人云。文者人也。編者摘記梗概。卽是編者文。未必是先賢文。或雖可以知先賢學行。而欲渾然體會其爲人與爲學。則未矣。余所以全引詩文。而不敢輕輕則私意。蓋欲體會先生爲人。以自資耳。近年斯學滋精密。然窃謂。學術殊途。吾道本尊德性。與道問學。闕其一不可也。從事斯文者。不可不維持紀綱。致學術同軌。又余不孝。相繼失怙恃。自僑居幽燕。未歷半歲。師之歸道山者。亦已六人矣。余碌碌無成。值愧死矣。因聊欲以此書。告于幽懷。余不自揣。而試爲者。此區區微心。

耳。客握余手曰。子之志也壯。子之意也善。因余退。記與客問答語爲跋。

止軒曰。前序雄渾遒勁。後序平明清秀。二文共推傑作。文末眷々。懷及父恩師德。情意凄然。使人不堪卒讀。

### 贈齊白石翁 有序

戊寅秋。借張君次溪。訪齊白石翁于借山樓。遂荷以詩集二本相貽。拜讀之下。知翁湖南湘潭人。壯遭離亂。潛身衡嶽。備嘗艱險。以全性命。而其詩與畫。更脫盡恒蹊。若有天風之下玉巒。因賦短章。藉志景仰。

焦心日夜湘潭空。衡嶽渾成造化功。鐵筆輪囷奇且巧。古來文藝數斯翁。

### 旅淮有感 有序

己卯正月。汪子雲先生。掌皖省文衡。致書聘余。擔任顧問。以資臂助。余與先生相識。已五載。不能遏拂其意。旋其月十九日。東裝就道。二十一日到淮。有感乃作。

朔風蕭瑟故城邊。振鐸淮南辭幽燕。十室九空無限淚。麗春未到水連天。

## 學會彙報

### ○第廿一回研究發表會

十一月二十六日(土曜日)午後一時より、西館漢文學科第一研究室に於て左の如く開催す。

一、朱子成書年次試論 學生 林 宇三郎君

一、穀梁善於經說に就いて ” ” 富山 昇 君

一、講評 會長 諸橋 教授

右終了後、茶話會に移り、夏期休暇を利用して、南洋視察旅行に參加したる、三年生古澤未知男君の「南洋視察談」を聴く。人情、風俗、教育、生活狀態等に説き及んで異國情緒興味津津たるものありしも、恰も防空演習の爲、電燈を懸念して早く切り上ぐ。

### ○秋季特別講演會

京都帝國大學教授倉石武四郎氏の上京を機とし聘して講演會を開く。

場所 本學西館本部會議室

日時 十一月二十九日 自午後四時至六時

” 三十日 ” 三時至五時

十二月一日 ” 四時至六時